



Sameiginlegir skilmálar

Vátryggingarskilmálar nr. YY10

Sameiginlegir skilmálar gilda um allar vátryggingar félagsins ef ekki er kveðið á um annað í einstökum ákvæðum annarra skilmála.

Ákvæði í vátryggingarskírteini eða endurnýjunarkvittun ganga framur ákvæðum í skilmálum. Ákvæði í vátryggingarskírteini, endurnýjunarkvittun og skilmálum ganga framur frávíkjanlegum lagaákvæðum.

Efnisyfirlit:

1. Upplýsingaskylda við gerð og endurnýjun vátryggingar-samnings
2. Upphaf og lok ábyrgðar
3. Endurnýjun og uppsögn við endurnýjun
4. Uppsögn á vátryggingartímabili
5. Skyldur vátryggðs við vátryggingaratburð
6. Tilkynning um vátryggingaratburð
7. Upplýsingaskylda vátryggðs við uppgjör tjóna
8. Ásetningur
9. Stórkostlegt gáleysi
10. Svíksamleg háttsemi
11. Krafa um bætur
12. Virðisaukaskattur
13. Skuldajöfnun
14. Vextir af bótafjárhæð
15. Endurkröfuréttur
16. Tilkynning um aðsetursskipti
17. Gjaldmiðill
18. Frestur til að leita úrræða
19. Meðferð ágreiningsmála
20. Varnarþing
21. Löggjöf

1. Upplýsingaskylda við gerð og endurnýjun vátryggingarsamnings

- 1.1 Skaðatryggingar
 - 1.1.1 Vátryggingartaki, eða eftir atvikum vátryggður, skal veita félaginu þær upplýsingar sem það óskar eftir um atvik sem haft geta þýðingu fyrir mat þess á áhættu, sbr. 19. gr. laga um vátryggingarsamninga nr. 30/2004. Að auki ber þeim að eigin frumkvæði að veita félaginu upplýsingar um sérstök atvik sem þeir vita, eða mega vita, að hafa verulega þýðingu fyrir mat félagsins á áhættu.
 - 1.1.2 Verði vátryggingartaka eða vátryggðum ljóst að hann hefur veitt rangar eða ófullnægjandi upplýsingar um áhættuna skal hann án ástæðulauss dráttar skýra félaginu frá því.
 - 1.1.3 Hafi vátryggingartaki eða vátryggður svíksamlega vanrækt upplýsingaskyldu sína og vátryggingaratburður hefur orðið ber félagið ekki ábyrgð.

1.1.4 Hafi vátryggingartaki eða vátryggður vanrækt upplýsingaskyldu sína í þeim mæli að ekki telst óverulegt getur ábyrgð félagsins fallið niður í heild eða að hluta, sbr. 2. og 3. mgr. 20. gr. laga um vátryggingarsamninga nr. 30/2004.

1.2 Persónutryggingar

- 1.2.1 Vátryggingartaki, eða eftir atvikum vátryggður, skal við gerð vátryggingarsamnings veita félaginu þær upplýsingar sem það óskar eftir, og hafa þýðingu fyrir mat þess á áhættunni, sbr. 82. gr. laga um vátryggingarsamninga nr. 30/2004. Að auki ber þeim að eigin frumkvæði að veita félaginu upplýsingar um sérstök atvik sem þeir vita, eða mega vita, að hafa verulega þýðingu fyrir mat félagsins á áhættu.
- 1.2.2 Vátryggingartaki, eða eftir atvikum vátryggður, skal við endurnýjun vátryggingarsamnings, veita félaginu nýjar upplýsingar um heilsufar sitt, ef það óskar eftir þeim skriflega, sbr. 3. mgr. 79. gr. laga um vátryggingar-samninga nr. 30/2004.
- 1.2.3 Hafi vátryggingartaki eða vátryggður svíksamlega vanrækt upplýsingaskyldu sína og vátryggingaratburður hefur orðið ber félagið ekki ábyrgð.
- 1.2.4 Hafi vátryggingartaki eða vátryggður vanrækt upplýsingaskyldu sína í þeim mæli að ekki telst óverulegt getur ábyrgð félagsins fallið niður í heild eða að hluta, sbr. 2. og 3. mgr. 83. gr. laga um vátryggingarsamninga nr. 30/2004.

2. Upphaf og lok ábyrgðar

- 2.1 Vátryggingin tekur gildi þegar félagið hefur samþykkt vátryggingarbeiðni, nema annað sé lögboðið eða samið sé um að hún taki gildi síðar.
- 2.2 Ef ábyrgð félagsins á að hefjast á tilteknum degi, án þess að það sé tilgreint nánar, hefst ábyrgðin kl. 0.00 þann dag.
- 2.3 Vátryggingin gildir til kl. 24.00 þann dag sem tilgreindur er sem lokadagur í vátryggingarskírteini eða endurnýjunarkvittun, eða þann dag sem vátryggingu lýkur, ef það er fyrir upphaflega ákveðinn lokadag, nema um annað sé samið.

3. Endurnýjun og uppsögn við endurnýjun

- 3.1 Vátryggingin endurnýjast einu sinni á ári, um eitt ár í senn, nema um annað sé samið. Sé um skammtímatryggingu að ræða endurnýjast hún ekki. Sama á við þar sem skýrlega er tekið fram í skilmálum að vátryggingin falli niður við ákveðið tímamark.

- 3.2 Vilji váttryggingartaki segja váttryggingunni upp í tengslum við endurnýjun skal það gert skriflega innan mánaðar frá því að félagið sendi tilkynningu um endurnýjun, þó ekki síðar en tveimur vikum fyrir endurnýjunardag. Ef váttryggingin er tekin vegna atvinnurekstrar og umfang rekstraraðila samsvarar fleiri en fimm ársverkum eða starfsemin fer að mestu leyti fram erlendis, skal uppsögn hafa borist félaginu í síðasta lagi mánuði fyrir lok váttryggingartímabilsins.
- 3.3 Félagið getur neitað að endurnýja váttryggingu þegar fyrir liggja sérstakar ástæður, sbr. 18. og 79. gr. laga um váttryggingarsamninga nr. 30/2004. Félaginu ber að tilkynna váttryggingartaka það skriflega í síðasta lagi tveimur mánuðum fyrir endurnýjunardag.
- 3.4 Váttryggingarskilmálar og iðgjald geta breyst við endurnýjun og tekur breytingin þá gildi frá endurnýjunardegi.

4. Uppsögn á váttryggingartímabili

- 4.1 Félagið getur sagt upp váttryggingunni nema annað sé lögboðið:
- 4.1.1 Með 14 daga fyrirvara ef veittar eru rangar eða ófullnægjandi upplýsingar um váttryggða áhættu, sbr. 21. og 84. gr. laga um váttryggingarsamninga nr. 30/2004.
- 4.1.2 Fyrirvaralaust ef váttryggingartaki hefur sviksamlega vanrækt upplýsingaskyldu sína um váttryggða áhættu, sbr. 21. og 84. gr. laga um váttryggingarsamninga nr. 30/2004.
- 4.1.3 Með viku fyrirvara ef váttryggður veitir af ásetningi rangar eða ófullnægjandi upplýsingar sem hann veit eða má vita að leiða til þess að hann fær greiddar bætur sem hann á ekki rétt til, sbr. 47. og 120. gr. laga um váttryggingar-samninga nr. 30/2004.
- 4.1.4 Með tveggja mánaða fyrirvara, í kjölfar váttryggingar-atburðar, ef váttryggður hefur valdið váttryggingaratburði af ásetningi eða vanrækt skyldur samkvæmt varúðar-reglum, eða er með þrjú tjón eða fleiri síðastliðna 12 mánuði úr þessari váttryggingu eða öðrum hjá félaginu, sbr. 15. eða 76. gr. laga um váttryggingar-samninga nr. 30/2004.
- 4.1.5 Með tveggja mánaða fyrirvara ef notkun váttryggðs hlutar, starfsemi váttryggðs eða aðstæður að öðru leyti breytast á váttryggingartímabili á þann hátt að félagið hefði ekki samþykkt váttrygginguna ef slíkar upplýsingar hefðu legið fyrir við upphaf váttryggingartímabilsins.
- 4.2 Félagið getur sagt upp öllum váttryggingarsamningum viðkomandi þegar váttryggingartaki eða váttryggður hefur sviksamlega vanrækt upplýsingaskyldu sína um váttryggða áhættu og ef váttryggður eða annar aðili veitir af ásetningi rangar eða ófullnægjandi upplýsingar sem hann veit eða má vita að leiða til þess að hann fær greiddar bætur sem hann á ekki rétt til.

- 4.3 Váttryggingartaki getur á váttryggingartímabilinu sagt upp váttryggingarsamningi sem endurnýjast sjálfkrafa ef hann hefur ekki lengur þörf fyrir váttrygginguna eða fyrir hendi eru aðrar sérstakar ástæður sem réttlæta uppsögn, sbr. 2. mgr. 14. gr. og 3. mgr. 75. gr. laga um váttryggingar-samninga nr. 30/2004.

5. Skyldur váttryggðs við váttryggingaratburð

- 5.1 Sé yfirvofandi hætta á að váttryggingaratburður verði, eða ef hann er orðinn, ber váttryggðum að gera allt sem í hans valdi stendur til að afstýra tjóninu eða takmarka það. Verði hann af þessum sökum fyrir útgjöldum getur hann krafði félagið um endurgreiðslu að því leyti sem ráðstafanir til að takmarka tjón eða komast hjá því teljast sérstakar og réttlætanlegar, sbr. 28. og 38. gr. laga um váttryggingarsamninga nr. 30/2004.
- 5.2 Megi váttryggðum vera ljóst að félagið gæti öðlast endurkröfu á hendur þriðja manni skal hann gera það sem í hans valdi stendur, og nauðsyn krefur, til að tryggja kröfuna þar til félagið getur sjálft gætt hagsmuna sinna.
- 5.3 Hafi tjón orðið vegna þess að váttryggður hefur af ásetningi eða stórkostlegu gáleysi vanrækt skyldur sínar samkvæmt þessari grein getur ábyrgð félagsins fallið niður í heild eða að hluta.
- 5.4 Ákvæði 5. gr. eiga einungis við um skaðatryggingar.

6. Tilkynning um váttryggingaratburð

- 6.1 Váttryggður, eða hver sá sem telur sig eiga kröfu á félagið, skal án ástæðulauss dráttar tilkynna félaginu um váttryggingaratburð. Sama gildir ef váttryggður fær vitneskju eða grun um að skaðabótakrafa sem ætla má að váttryggingin nái til verði gerð á hendur honum.
- 6.2 Þjófnað, innbrot, rán, skemmdarverk og árás skal ávallt tilkynna lögreglu eða næsta yfirvaldi og framvísa skýrslum þeirra hjá félaginu. Á ferðalögum erlendis skal einnig tilkynna fararstjóra um framangreinda atburði ef hans nýtur við.
- 6.3 Váttryggður, eða hver sá sem á rétt til bóta glatar honum ef hann tilkynnir félaginu ekki um kröfu sína innan eins árs frá því að hann vissi um þau atvik sem hún er reist á.

7. Upplýsingaskylda váttryggðs við uppgjör bóta

- 7.1 Við uppgjör bóta skal váttryggður eða sá sem á kröfu á hendur félaginu veita því upplýsingar og afhenda gögn sem hann hefur aðgang að og félagið þarf til þess að meta ábyrgð sína og greiða bætur.
- 7.2 Ef váttryggður, eða sá sem á kröfu á hendur félaginu, veitir af ásetningi rangar eða ófullnægjandi upplýsingar sem hann veit eða má vita að leiða til þess að hann fær greiddar bætur sem hann á ekki rétt til fellur niður allur réttur hans samkvæmt þessum og öðrum váttryggingar-

samningum vegna hins tiltekna váttryggingaratburðar. Við sérstakar aðstæður getur váttryggður þó átt rétt til bóta að hluta, sbr. 2. mgr. 47. og 2. mgr. 120. gr. laga um váttryggingar-samninga nr. 30/2004.

8. Ásetningur

Ef váttryggingaratburður verður rakinn til ásetnings váttryggðs á hann enga kröfu á hendur félaginu um bætur, nema hann hafi ekki vegna aldurs eða andlegs ástands gert sér grein fyrir afleiðingum gerða sinna.

9. Stórkostlegt gáleysi

9.1 Ef váttryggingaratburður verður rakinn til stórkostlegs gáleysis váttryggðs losnar félagið úr ábyrgð sinni í heild eða að hluta, nema hann hafi ekki vegna aldurs eða andlegs ástands gert sér grein fyrir afleiðingum gerða sinna. Í persónutryggingum gildir þetta einnig ef afleiðingar váttryggingaratburðar verða meiri en ella vegna stórkostlegs gáleysis váttryggðs.

9.2 Við mat á ábyrgð félagsins skal líta til sakar váttryggðs, hvornig váttryggingaratburð bar að, hvort váttryggður var undir áhrifum áfengis eða fíkniefna sem hann hafði sjálfviljugur neytt og atvika að öðru leyti.

9.3 Ákvæði 9. gr. eiga ekki við um ábyrgðartryggingar.

10. Sviksamleg háttsemi

Sá sem viðhefur sviksamlega háttsemi gagnvart félaginu missir allan rétt samkvæmt váttryggingarsamningi. Sé um fleiri váttryggingarsamninga að ræða getur hann einnig misst rétt til bóta samkvæmt þeim vegna sama váttryggingaratburðar, sbr. 20. og 47. gr. laga um váttryggingarsamninga nr. 30/2004, svo og 83. og 120. gr. laganna.

11. Krafa um bætur

Váttryggður, eða sá sem á rétt til bóta, getur krafist greiðslu bóta 14 dögum eftir að félagið átti þess kost að afla þeirra gagna sem þörf var á til þess að kanna ábyrgð sína og ákveða fjárhæð bótanna, sbr. 48. og 121. gr. laga um váttryggingarsamninga nr. 30/2004.

12. Virðisaukaskattur

Eigi váttryggður eða tjónþoli rétt á endurgreiðslu virðisaukaskatts áskilur félagið sér rétt til að haga framkvæmd á viðgerð og/eða uppgjöri tjóns á þann veg að endurgreiðsla virðisaukaskatts komi til lækkunar á fjárhæð tjónsins í samræmi við lög og reglugerðir þar um.

13. Skuldajöfnun

Félagið hefur heimild til að skuldajafna vangoldnum iðgjöldum gegn váttryggingarbótum sem því ber að greiða, sbr. 49. og 122. gr. laga um váttryggingarsamninga nr. 30/2004.

14. Vextir af bótafjárhæð

Váttryggður á rétt á vöxtum í samræmi við ákvæði 50. og 123. gr. laga um váttryggingarsamninga nr. 30/2004.

15. Endurkröfuréttur

Eigi einhver hinna váttryggðu fébótakröfu á hendur þriðja manni vegna bótaskylds tjóns, öðlast félagið þann rétt að svo miklu leyti sem það hefur greitt bætur.

16. Tilkynning um aðsetursskipti

Váttryggingartaki skal tilkynna félaginu tafarlaust ef hann flyst búferlum.

17. Gjaldmiðill

Allar fjárhæðir er varða váttryggingarsamning þennan eru í íslenskum krónum (ISK) nema annað leiði af lögum eða um sé samið sérstaklega.

18. Frestur til að leita úrræða

Ef félagið hafnar kröfu váttryggðs eða þess sem á rétt til bóta í heild eða að hluta glatar hann rétti til bótanna ef hann hefur ekki höfðað mál eða krafist meðferðar málsins fyrir Úrskurðarnefnd í váttryggingamálum innan árs frá því að hann fékk skriflega tilkynningu um að kröfu hans væri hafnað, sbr. 51. og 124. gr. laga um váttryggingarsamninga nr. 30/2004.

19. Meðferð ágreiningsmála

19.1 Ágreining um bótaskyldu félagsins, sök og sakarskiptingu vegna lögboðinna ábyrgðartryggingu ökutækja, má leggja fyrir Tjónanefnd váttryggingar-félaganna.

19.2 Skjóta má úrskurði Tjónanefndar til Úrskurðarnefndar í váttryggingamálum. Einnig er heimilt að leggja annan ágreining skv. lögum um váttryggingarsamninga nr. 30/2004 fyrir Úrskurðarnefnd í váttryggingamálum.

19.3 Úrskurðum Úrskurðarnefndar í váttryggingamálum má skjóta til dómstóla.

20. Varnarþing

Heimili félagsins og varnarþing er í Reykjavík. Mál sem rísa út af váttryggingu þessari skulu rekin fyrir Héraðsdómi Reykjavíkur, nema annað leiði af þjóðréttarsamningum sem Ísland er bundið af.

21. Löggjöf

Um váttrygginguna gilda lög um váttryggingarsamninga nr. 30/2004.

Váttryggingarskilmálar þessir gilda frá 24. nóvember 2008.

Til upplýsingar

Viðlagatrygging Íslands

Með brunatryggingu húseigna og lausafjár stofnast sjálfkrafa váttryggingarvernd hjá Viðlagatryggingu Íslands skv. lögum nr. 55/1992.

Viðlagatrygging bætir tjón af völdum náttúruhamfara, þ.e. eldgosa, jarðskjálfta, skriðufalla, snjóflóða og vatnsflóða, sbr. 4. gr. laganna.